

# An Bhreatnais

Ón Vicipéid, an chiclipéid shaor.

Ceann de theangacha oifigiúla na Breataine Bige is ea an **Bhreatnais** ar a dtugtar freisin an **Chomraig**<sup>[1]</sup>. Is í an ceann is láidre de na teangacha i gcraobh Bhreathnach na dteangacha Ceilteacha, ar a dtugtar freisin an chraobh P-Cheilteach.

Clár ábhair

Úsáid

Stádas

Stair

Na Rómhánaigh

Luath-Bhreatnais

Sean-Bhreatnais

Meán-Bhreatnais

Bíobla 1588

Naisc sheachtracha

Tagairtí

Breatnais (Cymraeg)	
Á labhairt:	sa Bhreatain Bheag, san Argintín, i Sasana, sna Stáit Aontaithe Mheiriceá, i gCeanada, san Astráil agus sa Nua-Shéalainn
Réigiún:	Ar fud an domhain
Cainteoirí san Iomlán:	791,000
Rang:	(Ní sa chéad 100)
Líne ghinealaigh:	Ind-Eorpais <div>Ceilteach<div>Breatnach<div><b>Breatnais</b></div></div></div>
Stádas Oifigiúil	
Teanga Oifigiúil:	na Breataine Bige
Foras Pleanála Teanga:	(rialtóir ar bith)
Cóid teangeolaíocha	
ISO 639-1	cy
ISO 639-2	wel (B) cym (T)
ISO 639-3	cym ( <a href="http://www.sil.org/iso639-3/documentati on.asp?id=cym">http://www.sil.org/iso639-3/documentati on.asp?id=cym</a> )
Amharc ar: <span>Teanga</span> – <span>Liosta Teangacha</span>	

## Úsáid

Tá cumas éigin Breatnaise ag tuairim is 25% de phobal na Breataine Bige, agus baineann 8-10% úsáid aisti go tráthrialta.

Tá líon na gcainteoirí ag fás sa Bhreatain Bheag, go háirithe i measc na glúine óige, agus dealraíonn sé go bhfuil todhchaí na Breatnaise réasúnta sábháilte i gcomparáid leis na teangacha Ceilteacha eile.

De réir dealraimh, tá thart ar 5.000 cainteoir Breatnaise i gCúige Chubut de chuid Phatagóin na hAirgintíne. logo S4C.

Tá oideachas ar fáil tríd an mBreatnais i mbeagnach gach réimse. Is ábhar éigeantach í an Bhreatnais do gach dalta sa Bhreatain Bheag idir 5 agus 16 bliana d'aois i scoileanna poiblí.

Bíonn an Bhreatnais á craoladh ar chainéal teilifíse S4C agus ar an raidió sa Bhreatain Bheag.




Naíonra



S4C



Bíobla, 1620, in Llanwnda



Ceilteacha na mór-roinne. Bhí greim Impireacht na Róimhe agus na Laidine ar an mBreatain beagán ní ba scaoilte, b'fhéidir, ná mar a bhí ar an nGaill, mar shampla. I ndiaidh imeacht na Rómhánach, laghdaíodh ar thionchar a gcuid teangan go dtí nár fágadh í ach mar theanga scríofa.

## Stádas

Tá roinnt cearta dlíthiúla ag lucht a labhartha, mar shampla an ceart cumarsáid a dhéanamh leis an rialtas i mBreatainis agus chun an teanga a úsáid sa chúirt agus sa Tionól Náisiúnta.

Chinn Rialtas na Breataine sa bhliain 2017 go gceadófaí úsáid na Breataise i ndíospóireachtaí parlaiminte<sup>[2]</sup>. Ar an 7 Feabhra 2018, labhraíodh an Bhreatainis le linn díospóireacht parlaiminte i Westminster den chéad uair riamh. ag cruinniú de chuid Mhórchóiste na Breataine Bige. Roimhe seo ba i mBéarla amháin a bhíodh díospóireachtaí i dTeach na dTeachtaí, ach úsáidtear an tseanFhraincis chun dlíthe a rith i dTeach na dTiarnaí.

## Stair

Is teanga scríofa í ó 600 A. D., cé nach bhfuil lámhscríbhinní slán ón tréimhse sin. Tá traidisiún liteartha na Breataise gan bhriseadh go dtí an lá atá inniu ann.

Sampla den litríocht ná an Mabinogi, filíocht Bhreataise ón Meánaois agus is cuid é de stór litríochta na hEorpa.

Níl sé go hiomlán cinnte cén uair a tháinig na Ceiltigh is a dteanga(cha) siúd chuig na hoileáin seo, is é sin le rá Éire agus an Bhreatain.

## Na Rómhánaigh

Is eol go raibh na teangacha Breatnacha á labhairt thart faoin gcuid is mó d'oileán na Breataine faoin am gur bhain na Rómhánaigh amach an áit. Tharla athruithe móra le teacht na Rómhánach. Bhí go leor daoine dátheangach sa teangain Bhreatnach, mar a bhí san am, agus sa Laidin, go háirithe i ndeisceart na Breataine (an ceantar is mó a bhain le sibhialtacht na Róimhe, oirdheisceart na Breataine Bige san áireamh). Is dóigh gurbh í an Laidin teanga an riaracháin agus nach raibh sa Bhreatainis ach teanga labhartha amháin. Fuarthas focail go leor ar iasacht ón Laidin ach ní raibh tionchar na Laidine ar an teangain Bhreatnach chomh láidir is a bhí ar theangacha



Na Rómhánaigh i gCaerleon Newport;

Ag an am céanna, bhí an teanga Bhreatnach ag athrú. I ndiaidh do na Rómhánaigh teacht ar an bhfód, chaill an seanteanga Bhreatnach a stádas mar theanga cheannaireachta i gcuid mhaith de chríocha na Breataine. Bhí leagan amach na teangan á dhíchobhsú ag an Laidin.

## Luath-Bhreatnais

Tugtar Luath-Bhreatnais ar an gcineál Breatnaise a bhí ann ó thús dara leath na séú haoise (thart ar 550 A. D.) go dtí deireadh na hochtú haoise.



Bóthar a thóg na Rómhánaigh, feirm Middlewood, The Welsh Venison Centre.



Mabinogi: An Dá Rí (dealbhóir Ivor Robert-Jones, 1984) in aice le Caisleán Harlech, sa Bhreatain Bheag. Iompraíonn Bendigeidfran corp a nia Gwern.


Tháinig an Chríostaíocht chun na Breataine le linn na tréimhse sin agus laghdaíodh údarás shagairt an tseanchreidimh agus an tionchar a bhí acu. B'iad sin a chaomhnaíodh na sean-nósanna lena n-áirítear na seanchleachtais teangan. Le linn an ama seo, dealraíonn sé gur tharla athruithe sa teanga Bhreathnach ó thaobh gramadaí de agus forbairtí eile atá mar shaintréithe theanga na Breatnaise mar a labhraítear anois í. Mar gheall ar an easpa fhianaise scríofa, ní féidir a rá go cinnte cén uair a tharla na hathruithe teangeolaíochta seo. Cé gur síleadh tráth go raibh an Bhreatnais scartha ón mBriotáinis, mar shampla, faoin séú haois, is é meas na scoláirí anois nár theanga scoite a bhí inti go dtí go luath sa dara leath den aois sin.

Níl ach cúpla clochscríbhinn fágtha ón tréimhse sin, ach tá tagairt di i saothar Bhéid, "*Historia ecclesiastica gentis Anglorum*" (Stair Eaglasta na Sasanach) agus roinnt logainmneacha. Tá an sliocht Breatnaise ó lámhscríbhinn is sine dá bhfuil againn le fáil i "*Llyfr Sant Chad*" atá i seilbh Ardeaglais Chaerlwythgoed i Sasana. Is sliocht dlíthiúil atá ann.

## Sean-Bhreatnais

Tugtar an tSean-Bhreatnais ar an gcineál Breatnaise a bhí ann idir an 9ú haois agus deireadh an 11ú haois. Tá breacscríbhinní i Sean-Bhreatnais ar cháipéisí Laidine ón tréimhse sin a tháinig slán.

Tá roinnt lámhscríbhinní ón 12ú haois ann freisin gur macasamhala iad de lámhscríbhinní ní ba shine nó gur taifid de bhéaloideas níos sine iad. Tugann na giotaí scríofa fianaise i dtaobh Breatnaise na linne sin ach tá an fhianaise seo débhríoch go leor. Ní thugann siad mórán leide i dtaobh fhuaimneanna na Breatnaise nó an é go bhfuil na fuaimneanna sin ag athrú.



Llyfr Coch Hergest 240-241 (1890)

## Meán-Bhreatnais

Tugtar an Mheán-Bhreatnais ar an gcineál Breatnaise a bhí ann idir an 12ú agus an 14ú haois. Is ón tréimhse seo an Mabinogi. Bhí focail iasachta ag teacht isteach ón Laidin agus ón bhFraincis ag an am seo mar thoradh ar aistriúcháin.



I ndiaidh na tréimhse seo, tháinig athrú ar an teanga ó thaobh cháilliúnt roinnt leaganacha de na briathra de agus roinnt réamhfhocal pearsanta.

## Bíobla 1588

### Naisc sheachtracha

- [Lexicelt.org](http://lexicelt.org/info.aspx?cchptr=0&lang=cy-G-ga) (<http://lexicelt.org/info.aspx?cchptr=0&lang=cy-G-ga>) — foghlaim na Breatnaise trí mheán na Gaeilge, agus foghlaim na Gaeilge trí mheán na Breatnaise.
- [Lexicelt: foclóir](http://lexicelt.org/geiriadur/geiriadur.aspx?lang=ga) (<http://lexicelt.org/geiriadur/geiriadur.aspx?lang=ga>) — foclóir Breatnais-Gaeilge.
- [Foclóir Breatnais-Gaeilge](http://www.geiriadurgwyddeleg.com/ga.php) (<http://www.geiriadurgwyddeleg.com/ga.php>)



Bíobla, 1588



### Tagairtí

1. Cadwaladr, Dilys; Jones, T. Hughes; Morgan, Huana; Powell, J. D.; Williams, J. J.; Williams, J. O. (1948). "Sgéalta ó'n gComraig" (in Gaeilge): 55. Oifig an tSoláthair.
2. <https://tuairisc.ie/la-stairiuil-don-bhreatnais-agus-a-husaid-ceadaithe-den-chead-uair-inniu-i-westminster/>

### Teangacha Ceilteacha



**Teangacha Gaelacha**  
(*Q-Cheilteach*)



**Gaeilge · Gaeilge Mhanann · Gaeilge na hAlban | Briotáinis · Coirnis · Breatnais**

**Teangacha Breatnacha**  
(*P-Cheilteach*)



*Féach: Teangeolaíocht · Na Ceiltigh*

Aisghafa ó "[https://ga.wikipedia.org/w/index.php?title=An\\_Bhreatnais&oldid=946098](https://ga.wikipedia.org/w/index.php?title=An_Bhreatnais&oldid=946098)"

Tugadh an leathanach seo cothrom le dáta an 1 Samhain 2019 ag 16:55.

Tá an téacs ar fáil faoi réir an [Creative Commons Attribution/Share-Alike License](#); féadann téarmaí eile a bheith i bhfeidhm sa bhreis. Féach ar [Téarmaí Úsáide](#) le sonraí a fháil.

Trádmharc cláraithe is ea Wikipedia® de chuid [Wikimedia Foundation, Inc.](#), eagraíocht neamhbhrabúis.